



Bosnia and Herzegovina
Federation of Bosnia and Herzegovina

CANTON SARAJEVO
Ministry of Traffic

Broj: 01-05-23146-100/19 KM
Sarajevo, 05.08.2019. god.

SKUPŠTINA KANTONA SARAJEVO
SARAJEVO

PREDMET: Odgovor na „Zastupničko pitanje“

U prilogu dopisa dostavljamo Vam odgovor na postavljeno zastupničko pitanje na 9. Radnoj sjednici Skupštine Kantona Sarajevo održanoj dana 19.06.2019. godine, a od strane zastupnice Vildane Bešlija.

Pitanje:

„ o poduzetim aktivnostima u svrhu uvođenja taxi vozila prilagođenih osobama sa invaliditetom
OBRAZLOŽE NJE

S obzirom da sam ovu inicijativu podnijela na trećoj sjednici (23.01.2019. godine), a zatim postavila pitanje na sjednici od 26.03., te nisam dobila odgovor, molim da se dostavi informacija o poduzetim aktivnostima, kronološki, jer trenutno raspolazem polovičnim informacijama iz medija.

Znamo da je potrebno da se na nivou Federacije izvrši dopuna Zakona o cestovnom prijevozu Federacije BiH, dopuna Pravilnika o tehničkim uslovima za obavljanje ove djelatnosti, kao i dopuna Pravilnika o licencama za obavljanje javnog prijevoza.

Napominjem da su mi se još jednom obratili građani koji su u potrebi ove vrste, te da se interesuju o trenutnom stanju realizacije ove inicijative.

Naime, ova inicijativa je potekla upravo od osoba sa invaliditetom koji su prije izvjesnog vremena, tražili mogućnost uvođenja vozila koja će biti njima prilagođena, te ukoliko želimo Kanton koji je po mjeri svih njenih građana, smatram da ova inicijativa treba biti što prije realizovana.

Takođe, smatram da licence ove vrste prilikom izdavanju trebaju biti jasno definisane i apsolutno na raspolaganju upravo osobama sa invaliditetom, kako nebi bilo eventualnih zloupotreba.“

Odgovor :

Ministarstvo saobraćaja Kantona Sarajevo je u 2016. i 2019. godini pokrenulo inicijativu prema Federalnom ministarstvu prometa i komunikacija za dopunu Zakona o cestovnom prijevozu Federacije BiH (“Službene novine Federacije BiH” broj: 28/06 i 02/10); dopunu Pravilnika o



tehničko-eksploatacionim uslovima za vozila kojima se obavljaju pojedine vrste prijevoza ("Službene novine Federacije BiH", broj 51/06, 79/06, 11/09, 56/10, 79/11 i 49/13) i dopunu Pravilnika o licenci za obavljanje javnog prijevoza u cestovnom (Službene novine Federacije BiH, br. 65/06, 18/08 i 56/10), a u cilju da bi se omogućilo taksi prijevoznicima da registruju vozila namjenjena za prijevoz invalidnih osoba tj. da bi se omogućilo da taksi prijevoznici vrše taxi prijevoz invalidnih lica – korisnika kolica.

Federalnom ministarstvu prometa i komunikacija podneskom broj: 03-02-407-1/19 od 17.06. 2019. godine dostavilo je zastupničku inicijativu pokrenutu od zastupnika Irfana Čengića za izmjenu i dopuna Zakona o cestovnom prijevozu Federacije BiH a u cilju pripreme Prijedloga mišljenja za Vladu Federacije Bosne i Hercegovine istog. Inicijativa se odnosila na izmjene Zakona o cestovnom prijevozu Federacije BiH ("Službene novine Federacije BiH" broj: 28/06 i 02/10), a kako bi se omogućilo taksi prijevoznicima da registruju vozila namjenjena za prijevoz invalidnih osoba.

Ministarstvo saobraćaja Kantona Sarajevo aktom broj: 04-02-28295/19 KM do 15.07.2019. godine podržalo inicijativu i dalo je saglasnost na prijedlog radnog materijala: "Zakona o izmjenama i dopunama Zakona o cestovnom prijevozu Federacije Bosne i Hercegovine".

S poštovanjem,

Dostaviti:

- ② Skupština Kantona Sarajevo
- Vlada Kantona Sarajevo
- evidencija
- arhiva



web: <http://ms.ks.gov.ba>
e-mail: ms@ms.ks.gov.ba
Tel: + 387 (0) 33 562-058, + 387 (0) 33 562-059
Sarajevo, Reisa Džemaludina Čauševića 1

